

Ostrowski Martinus


Lysnackowski Petri Alexandri: Gemma Doctorem Perillustris

et. Viri D. M. Martinus Ostrowski

PANEG. et VITAE

Polon. Fol.

Nº. 879.



GEMMA DOCTORUM,

Perillustis olim Clarissimus & Admodū Reverendus Dominus,

D. M. MARTINUS OSLINSKI,

Sacræ Theologiæ Doctor & Professor, Collega
Major, Ecclesiarum; Collegiatae Cracov: S. A N N Æ
Decanus, Parochialium, Prosovicensis Præpositus, Zielone-
censis Curatus, Scholarum Novodvorscianarum, & Contu-
bernij Hierosolymitani Provisor Dignissimus,

Ob Virtutis, eruditionis, & meritorum pretium,
Annulô Æternitatis

I N S E R T A;

Et dum Ejus mortales Exuviae,
summo Ordinum Academicorum dolore,

In Ecclesia Collegiata

DIVÆ ANNÆ

tumularentur.

Ad perennem Tanti Viri memoriam venturæ Posteritati,

Clientali Calamo,

M. PETRI ALEXANDRI SZYMAKOWSKI,

Philosophiæ Doctoris & Professoris, Collegæ Minoris,

Contubernij Hierosolymitani Senioris,

A P P R E T I A T A.

Anno, quô Gemma Deitatis conchâ naturæ humanæ assumpsit,

1720. Die 28. Mensis Junij.

CRACOVIAE, Typis Francisci Cezary, S. R. M. Cellissimi Principis, Illustrissimi &
Reverendissimi Dni Episcopi Cracov: Ducis Severiæ; necnon Scholarū Novodv. Typogr.



7. XXII. 10 74
21. 679 III

GEMMA
DOCTORUM
Annulô Æternitatis
INSERTA.



Proh obstupefcite Mortales!

Quò tandem suam Mors extendit orexim!

Mordet omnia dente suo,
nec minimè satiatur.

Itane ô pessima prædatrix insatiabilis es!

Nec prece, nec pretiô comprimenda.

GEMMÆ SAPIENTUM,

Cum suo Hydaspæ Tibi sitim accendunt.

Orexim ad Majora desideria exacuunt,

O admirandum spectaculum!

Quondam ingens, sine fundo Urbis Romanæ,
vorago terrifico patentissima ore.

Vno armato Curtio absumpto, satiata.

Crudelissima, supra genus crudelitatis Mors,
Orbem Literarium, aulu nefario ingrelsa,

Sapientibus inhiat Viris.

Crebris funeribus irritatur, non expletur.

Doctis calamis accersitur, non proscribitur.

Frondebûs Doctoralibûs minimè terretur.

Ipfa

Ipsa illi video abundantia nocet.

Ipsa copia inopem facit.

Amplissima spolia, faciunt eam omnibus spoliata.

Innumera DOCTORVM & pretiosa rapiens Cymmelia,

Nihil suam in partem numerare videtur;

Adeo, ut continuò ardeat desiderio.

Densa illi funera cedunt in prædam,

Nec tamen venari doctas animas desinit.

Quò pingviores suum in rogam ducit victimas,

eò vel maximè tenuior extat.

Nihil jam reperitur tale,

Quod libitum, possit sedare Libitinæ.

GEMMAS Eruditorum Capitū,

Ex vastissimo Literarū Pelago continuò furatur,

Attamen sub inopia gemit.

Mirari desino,

Docti nunquam solent cedere morti.

A viris Musarum sacratis Choro,

Nulla funestior Libitinæ plaga.

Fremit invida Atropos, quòd totos non tollat Sapientes,

Quæ nullam eorum partem tollit.

Illi procertò moriuntur, qui tantū sibi oriuntur.

Non qui Diviniorem Enthèum spirant.

Illi uniones debentur morti,

Qui pretiò vanò, & splendore fucato, corruscant;

Ad mortale attriti saxum, statim evanescunt.

Vix concham mortalitatis deserunt,

Ab omni posthuma memoria deseruntur.

GEMMÆ VIRORUM,

In Pactolo Sapientiæ enutritæ,

Ad

Ad

Ad Letheas minimè spectant undas.
A virtute Sapientia ducunt valorem,
diminui nullatenus queunt.
Cleanteo illuminatæ Lychno,
Mortiferas procul propulsant umbras,
Forti Literatorum stipatæ satellitiò,
prædatricem non timent Libitinam.
Ex Conchylio vitæ temporalis motas,
Semper Archivum Cœleste avidissimè poscit.

Te hujusmodi
DOCTORUM GEMMAM,
Probitate æstimatissimã, cãdore vitæ intaminatã,
Sapientiã, virtutibûs, meritîsq; magnis pretiosam;
Perillustris olim Clarissime, & Admodum Reverende Domine,

D. M. MARTINE
OSLINSKI,

Sacrae Theologiæ Doctor & Professor,
Collega Major, Ecclesiæ Colleg.
S. ANNÆ Crac. Decane, &c.

Nunc Cœlo ipsi Literarius invidet Orbis,
Cui ingens pretium fuisti,
Gemmeaq; efficiebas momenta.

Dedisti documentum Orbi,
Non ab Erythræo tantùm mari, uniones prodire.
Tuæ nempè cunæ natales, & ulterior vitæ tractus,
Te gemmeum monstraverunt Virum.

Urbs Metropolis Cracovia,
Domicilium Sanctorum, Magnorû altrix virorû,

MARTINO natale fuit.
GEMMA DOCTORUM,

Nasci & nosci debuit ad Coronas.

Diademata quippe parvum habent pretium,
sine unionibus.

Non unius Climatis, hæc Gemma fuit delictum.
Cracoviæ nata, cujus sit pretij ut videret Orbis,
in submontana translata.

Fit enim carior gemma procul cunabulis.

Arcana rei evolve calame!

DEUS disponit, Patruus perſvadet,
ut Gemma MARTINUS in Ketylateat.

Latuit ille in juvenili ætate,
Sed qualis poſthac futurus eſſet, patuit.
Ibi Literarum & pietatis ſumpſit exordia:

Vbi Literarum Decus,

Lechiæ totius, Scholæq; ejus Patronus,

Diviniſſimus

JOANNES CANTIUS,

ſuxit Principia Sanctitatis.

Quantum in Patruo, ſui Patriarchæ ſolo,
profecit in Literis OSLINSCIUS;

Narrent, qui non à limine tantum ſalutarunt Muſas.

Aurora ætatis bonum omen dedit,

Quantus in meridie ſperandus erat.

Linguit tandem Patruſ ſui limina,
inſigniori pretio accumulandus.

Poſt Patruos, Patrios repetit lares,

B

imò

imò majori cum desiderio,
Academicos mavult Postes, quàm dome-
sticos Penates.

Fausto passu Lechicas ingreditur Athenas:
limpidissimo scientiarum Fonti sese committit,
Doctis laticibus fovendus ut GEMMA,
Ad publicum Studiorum solem appretiandus.

Hic indefessus Stadiodromus,
Literarum decurrit stadia,

in virtutis & scientiarum perfectionem,

Nunquam segni procedens passu,

Capaci ingenio, illa alacriter discit,

Quæ alij vix mirari possunt.

Discipulus cum fuerit, Magister potuerat vocari.

Doctrina in omni scibili dulce illi pabulum,
licet alijs nauseam pariat.

Nec annos exspectat ingenium.

liberale Coelum MARTINO,

Cui plus Scientiarum dedit, quàm ille acquisivit.

Pallas Philosophica virtutis præmiatrix,

Cum hoc videat miratur.

Dignum, meritum, ad Laureas mox provocat virum.

Fulget enim GEMMA clarius in auro:

Doctus animus, sub viridi Lauro.

Primam in Artibus Liberalibus illi cōfert Coronam,

mox annectit secundam?

ne parca liberali MARTINO videatur.

Sic Laureatus OSLINSKIUS,

semper erudito virescit in certamine.

Vtiq; Vnio dum teritur, rutilat magis.

Labo:

Laboriosam continuò decurrens Sphæram,
nescit unò circumambiri detineriq; locò.

Leones enim iusta spatia poscunt, ut se moveant.

Scientificum cùm satis ipse ad sapientiam
hauserit Fontem,

ut alijs eruditionis propinet lymphas,
in Majorem Poloniam discedit.

Magnum ingenium, minor sola non potuit
capere POLONIA.

Macedo hic alium sibi quæsit Orbem,
in Posnaniensi Academo.

Pinui LUBRANSCIANÆ adhæsit,
Vt ex fonte ingenij sui, daret illi vigorē & virore.

Vel potius illius sub umbra,
ignoratiæ tenebras, gemmeo propulsaret fulgore.

Mirabatur illa Pars, Lechici potior Regni,
in exigua corporis mole,

Magnas reperiri Qualitates,
probavitq; non esse Paradoxum,

in minimis maxima claudi.

Quantus illo sub Climate fuerit Chiron,
in suis Achilibus cognosci potest;
Quos Ecclesiæ in Decus, Patriæ in subsidium,
solidè & gloriosè erudivit.

Pro alijs sexcentis commemorare liceat,
Poloni Decus insigne Orbis,

Illustrissimum olim & Excellentissimum Dominum

STANISLAVM KRZYCKI,

Castellanum Posnaniensem,

Virum de Republica Meritissimum,

Qui carissimam Prolem suam;
OSLINSKIO commiserat instituendam,
Tantumq; æstimavit,
Quantum Aristotelem Philippus.
Post excultam Posnaniensem Coloniam,
Ipse maximus virtutis, & Sapientiæ Cultor:
ad propria redit, gratissimus Hospes.
Hic tantò gratiori Musarum excipitur Chorò;
quantò tædiosius expectabatur.
In Classibus Novodvorscianis
Argonauta constituitur,
Januam altiorum scientiarum subintrat Dialecticam Professor,
Nunquam non visus Dialecticus,
quia nunquam veritatis non Cultor.
Philosophus modum philosophandi docens,
Contuberniũ Philosophorũ suscipit in regimen,
ne Gemma in mari scientifico,
sinè Concha maneret.
Calamò & ingeniò Magnus,
primò minori, mox Majori inseritur Collegio.
Gradatim enim virtus procedit ad Honores.
Quæ sunt festina, non sunt festiva.
Eminentiori pro meritis constitutus in loco,
eminentiùs laborat.
Cui nihil magis innatum fuerat,
quàm otio Literariò occupari.
In Philosophicis Cathedris verior Aristoteles.
In Sacris Exedris Divinior Pericles.
Aristotelico-Thomistici Cursus Professor,
nunquam Stationarius.
In explicando facilis, in difficultatibus resolvendis
Clarus,

Clarus, in probando tam solidus, quàm subtilis;
Vt Angelici in se Idæam Doctoris efformaret.

Logicalibus spinis ingenij opposuit acumen.

Physicis, Sapientem prudentiam rebus.

Separatis in Metaphysica substantijs subtilitatem.

In omni parte, totam perplexitatem superavit.

Unde meritò Victor,

Decanali induitur Purpurâ,

Quam meruit ter suis portare humeris:

Ut omne trinum perfectum in se,

semper exhiberet,

Non murice tantùm, sed Sapientiâ Princeps.

Philosophicum Eurippum,

biennali navigio feliciter emensus:

Tullianis illabitur fluentis.

Tylicianum Oratorem agens,

Pro publico dum verba facit emolumento,

Romanus putatur redivivus Arpinas.

Quidquid enim dixit, Gemmeum censebatur:

Rhetoricos fontes,

fluidissimo adauxit sermone.

Divite facundiâ locupletavit Eloquentiam:

Adeò hanc, Animorum Reginam,

Verborum unionibus adornavit;

ut toties suam Majestatem stuperet:

quoties in publicum prodibat,

Gesta Virorum, Principum,

eruditis Panegyribus celebrando.

Serenissimi & Invictissimi

moderni felicissimè Regnantis,
POLONIARUM MONARCHÆ,
Sæculis notādā Augustā Cracoviæ Coronationē,
Panegyricā ubi annotaverit pennā,
Styli dignitate publicam lætitiā auxit,
eā svavitate & Excellentiā Oratoriā,
quæ tantam decuit Majestatem.

Serenissimi J A C O B I
S O B I E S K I,
Principis Regij,

ad Nuptiales tædas,

Oratorium accendit lumen.

Tanti Throni Neo-Sponfos,

novit debitā Apotheosi venerari.

Et cū tam altè Encomialta evolavit calamo,
adhuc provolare non remittit.

Illustrissimum olim & Reverendissimum Dominum

CHRISTOPHORUM

in Záluskie & Błędow

Z A Ł U S K I,

DEI & Apostolicæ Sedis Gratiā,

EPISCOPUM PŁOCENSEM,

in Solenni ad Cathedram suam ingressu,

Tullianā prosequitur svadā.

Magnum Nomen ILLIVS perennaturis
inscribit fastis.

Summis Principibus ita placuit hic Cyllenius;
Vt apud illos & amorē, & venerationē haberet.

PISCORSCIO, WINKLERIO,
SOWINSCIO, PRACZLEWIO,

multisq; præstantissimis Viris,

Corculum & delictum fuit;

Quos suô calamô Encomiales celebravit.

Mittit cætera penna,

ne laudare Illum videatur,

Qui maluit laudanda agere, quàm laudari.

Sacrum Præconem tergemina Vavelli Corona,

Vt Gemmam Apostolica functione

radiantem, æstimavit.

In primo certè Prædicamento Prædicatorum.

ponendus,

Cùm quidquid dixerit, vitæ suæ exemplis

comprobavit.

Pro virtutis & Divorum Domo Sacer Tullius.

Contra vitiorum monstra fulminator.

In omni sua actione Vir quadratus,

Sacræ Theologiæ renuntiatur DOCTOR.

Doctissimo Theologorum Quaternioni

annumeratur.

In tantam dignitatem meritis evectum,

Non elatum tamen se exhibuit.

Eandem animi constantiam retinens in omnibus.

In Superiores reverentiam, in pares affabilitatem,

in inferiores benignitatē, in Clientes munificentiā,

Sed non sinè quadam, moderati rigoris

admixtione, servabat,

Sed eheu. dolendum!

Tertius jam quaternionis Doctor Gemmeus,

Coelesti inferitur Coronæ.
Quasi magnæ ejus virtuti, jam deesset in terris loc9.
Sub Theologica Lauru,
Academicis laboribus fessus,
Quid fuerit quies? nescivit,
Cum semper laboraret.
Quotidiè suis Lectionibus intentus,
Gemmeus Professor,
Candorem in ore, factis, & pectore servans,
Gemmam se niveam ubiq; probavit.
Lingva ejus mentis interpres,
sincerè & scientificè explicans intùs latentia,
Nescivit, quid sit sensum velare verbis.
Totus CrySTALLINUS, Diaphanus totus,
Supremus Reipublicæ Literariæ Præles,
Sceptrorum & animorum Rector,
Fasces protulit, non secures;
Paterno Regimine suaviter imperando.
Novit optimè, *utiliùs peragere tranquillam,*
quàm violentam potestatem.
Ere&ô animò, illo tempore opus erat,
quo ille Rector fuit.
Nam inter armorum strepitus cuncta jacere visa.
Licentiosa grassantis hostilitatis turba,
etiam Sapientiæ Regnum premebat.
Novit tamen malignantis fortunæ vices,
Personata Intelligentia.
Ab innocuis Musis, Martis temperabat furorem.
Pallium suum visus tunc scindere MARTINVS,
ut Palladianas cohortes in tranquillitate
cooperiret.

Noctes

Noctes infomnes, diesq; inquietos duxit :

Omnibus ut esset tutissima quies.

Argum enim in hoc ipso centoculum egit.

In P R O V I S O R E M

Classium Novodvorscianarum,
Magno illi Literarum Alcidæ Praczlevio,
Par animi viribus, Hercules ipse succedit.

Palladis enim sub vexillo militantibus,

Ductorem & Præsidem egit,

Verus Musarum Apollo.

In earum commodū diligentius providit cuncta;

& ne in sicco Classes hæerent fundo,
fontibus illas liberalitatis alluebat.

Vela, remosq; tendi enixius curavit;

ut tenera Ingenia, in Latium,

& bonæ spei ad promontorium transveherentur.

Oratorium Novodvorscianum
pulcherrimā donavit, & ornavit supellectili.

Romanis locupletavit Indulgentijs,
ut pietas & devotio Studentium magis

Cœlo placeret.

sæpè negante Virium debilitate,

Scholastica visitabat limina,

omnem remissionem eliminando;

Vt Studiosis mentibus, vivacem

discendi insinueret vigorem.

Placida fronte diligentes, in amorem
animabat Literarum.

Rugosa sufficiebat negligentibus ad pœnam.

Altiùs evola penna si potes,

amaro lachrymarum imbri madida!

Dilatā verborum latifundia;
in sui Mecænatis elogia.
Hic enim Teminūs meritam, multūm aestimavit:
Gratiarum & Beneficiorum fluentis irrigavit,
dum vixit.

Date lachrymas in atramentum,
Hierosolymitani Alumni!
Quos OSLINSCIVS ut Provisor,
& Pater alebat.

Natent vestra lumina in rore flebili;
cū pupilla, Phæbi Academici occidit.
Vobis MARTINVS, plusquā Trimanus fuit,
qui indigentiae vestrae, semper non defuit,
Mensam ferculis quotidie instituendo.
ad Laureas, Honores, nemini viam praecludebat,
imò liberali dexterā ultrò omnes traxerat,
ut sibi vivus, patentem Cœlorum fecisset Portā.
In commodum Studiosorum Contubernium
restaurari curavit,
quā foris, quā intūs fortiter stabilivit
Hierusalem.

Ipse Cœlestem Hierosolymam possessurus.
Beneficijs Ecclesiasticis, quibus præfuit,
benè facere consuevit.
Plūs in Beneficia expendit, quā percepit.
Collegiatæ S. ANNÆ Ecclesiæ DECANVS,
illam structuram Magnificam, majoribus
decoramentis auxit.

Zielonecensis Curatus,
sedulam adhibuit curam:
Vt pulchro reviresceret Ecclesia decore.

Ipse

Ipse in perpetuas vernaturus æternitates.

Prosovicensi PRÆPOSITVRÆ

Non præfuit tantum, sed profuit.

Prodesse maximam Præposituram putavit.

Ecclesiæ illius tectum novis tegulis contexit,
velut MARTINVS pallio.

Totam Basilicā non tantum fenestris luminosam,
sed vasis argenteis splendidam fecit.

Majora audite sæcula!

Gloriæ, & Honori,

Divinissimi

JOANNIS CANTII,

REGNI POLONIARVM PATRONI,

Universitatis Patriarchæ,

Basilico opere, Basilicam in Kety exstruxit:
ut documenta pietatis, quæ ferebatur
in Sanctum, exhiberet.

In natali suo solo CANTIUS,
ut domesticum haberet

à suis Cultoribus cultum;

primas adhibuit OSLINSIVS curas.

Aliam munificentiae profusionem,

ab hominum abscidit oculis;

ut Soli DEO faceret oculatam.

Inter hæc virtutum facinora,

Longa annorum serie,

Sed magis laborum congerie,

meritisq; nullò computandis calculò gravatur,

Vir omnibus numeris absolutus.

Lectō aliquot per Menses affigitur,
in publicis tamen negotijs,
operosè mobilis OSLINSCIVS.
Decumbens, verus Reipublicæ Literariæ Stator;
Loquax de alijs operibus ejus fama,
mihi imponit silentium.

Grandis dolor Lacon est,
Disertior lachrymis, quàm verbis.
Plangite Musæ, in Cracio residentes Parnasso

P R O V I S O R E M:

Plorate MECÆNATEM Clientes:
Omnes Venerandum deflete PATREM.

Vos ipsæ æternitatis æmulæ Literæ,
in Academica Typographia, quarum vigilem
gessit curam,
testibus Chartis imprimate dolorem.

Si tamen lugere debetis istum,
Qui nil lugendum in vita fecit.

GEMMA MARTINVS,

Rorante gratiarum Cœlo natus;

Cœlo vixit, Cœlo reddi debuit.

Venerandam ætatem in exordio finit æstatis,
ut virescens virtutibûs, maturescat Cœlo.

Ab Apogæo Sole recedente,
OSLINSCIUS Cœlum ascendit.

Princeps ipse Sidereus Phæbus,
cedere voluerit, veniente Hospite tanto.

Minuere Nostro vitæ dies Microcosmo cœpit,
ut nobis dolorem, Cœlis gaudium augeret.

Dominicus dies vivendi terminum

MARTINO posuit,

quate-

quatenus in Vinea CHRISTI Domini laborans,
ab opere vitæ temporalis cessaret,
æternùmq; viveret in Domino.

Ad Nuptias Immaculati Agni ut properaret,
Præcursor Domini, cum sua Festivitate,
Divinissimus IOANNES BAPTISTA,
illi accurrit.

Rectam MARTINO viam,
Viaticô & omni Spirituali medela munito,
ad Superos extensa manu indigitans,
omnem illi coram Numine Summo gratiam conciliat.
Morari adhuc in terris nobiscum potuit:
Nisi Florem hunc Virorum, Cælites exambirent,
ut in Paradisum æternæ vitæ transplantaretur,
ne amplius sævis infestaretur Aquilonibus.

Nimirum,

GEMMA OSLINSKIUS,
Virtutum & meritorum pretiô inæstimabilis:
ne diutiùs laborum, morborum, &
senectutis tempestatibus agitaretur:
felicissimæ æternitatis annulo inferitur.

GEMMA MARTINUS,
Commendabilis summô virtutum suarum pretiô,
sed non minus æstimatione Virorum,
suæ ultimæ voluntatis Præstitum.
Emines in alta iudiciij ejus bilance.

Perillustri & Reverendissime Domine,

D.M. ANDREA KRUPHECKI

V. I. Doctor & Professor, Ecclesiarum Cathedra-
lis Cracov. Canonice, Premykov. & in Niegardow
Curate, Contubernij Jurisperitorum Provisor, Cano-
nizationis B JOANNIS CANTIJ Procurator.

E

Stu-

Adj Generalis Cracov. Procancellarie,
& Senior Pater Almæ Vniversitatis,
dulce Decus & Præsidium,
Summa Vavelli Gloria,
Sacrae Themidos Oraculum,
Omnium elegiorum Apex,
Facultatis Iuridicæ Corona,
Ejusdemq; Collegij Iuridici
Benefactor Munificentissime.

Summo affectu OSLINSCIVS,
Liliatum Tuum appretiavit animi Candorem.
A Te etiam inter pallidæ mortis præcisiones,
præscindi noluit.

Gemma ipse fuerat Literatorum inæstimabilis:
Ad Te pretiosissimum ternæ Vavelli Coronæ
Vnionē post fata transferri desideravit.

Novit Te exactissimum Academiæ PROCANCELLARIVM,
à Tuo Arbitrio, suos ultimæ voluntatis codicillos
pendere, & referri ad Te securum arbitrabatur.

Accedis proximè, valore & Animi candore non impar.

Perillustri Clarissime & Admodum Reverende Domine,

D.M. MARTINE WALESZYNSKI,

Sacrae Theologiæ Professor, Collega Major, Ecclesiarum Collegiat:
S. FLORIANI & S. ANNÆ Canonice, S. MICHAELIS in Arce
Cracov. & Scarbimiriensis Custos &c.

Contubernij Jageloniani PROVINCOR Dignissime.

Vidit in Te Doctor, mentis eburnæ candorem,
virtutum ac Sapientiæ venustatem, & gemmeum.
id est sibi similem appretiavit.

Fuerat ille olim Historiographus Petricianus,
& Controversæ Theologiæ Professor,
Te quoq; æquivalentem Successorem vidit & æstimavit.
Nec mirum, eruditio enim applaudit eruditioni.

Gemma Aurum amat,

Ma-

Magnes Stellam sequitur polarem,
Ita Gemma OSLINSCIVS Tibi adhærere voluit,
Vt illi valorem & pretium adderes.
Et ut totus in Te, post Fata spectaretur;
Provisoratum & Doctorem Tibi reliquit.
Gemma Doctorem fuerat,
Tuæ niveæ frontis & mentis Archivum,
Scilicet MARTINVS MARTINVM appetiit.
Gemmeum pretium accumulare volens,
Innocuas sortes suas Tibi quoq; MATTHIÆ commisit.

Clarissime, Excellentissime ac Doctissime Domine,

M. MATTHIA ZIETKIEWICZ,
Philosophiæ Doctor, ejusdemq; Cursûs Vladislaviani Professor,
Collega Major, Contubernij Iageloniani SENIOR.
Curator iustorum ejus Parentalium meritò esse debuisti:
qui non pridem Hierosolymitani Contubernij SENIOR,
sui Provisoris nutibus seriò attendebas.

Te ille ex Prudentia, activitate, judicij maturitate, morum
comitate, & virtutum venustate multum æstimavit.

Ipsius quoq; æstimatio, ut modò accrescat,
Probitati Tuæ incumbit.

Nec Te prætermittere licet, quem maximè occupat dolor,
Nostrum omnium tyrannus.

Excellentissime ac Doctissime Domine,

M. ADALBERTE ANDLIKIEWIC.

Philosophiæ Doctor, in Classibus Novodvorfcianis Pòeseos
Professor, Scholæ DIVÆ ANNÆ Senior.

Teneris Tu ab Annis, defuncto Patri ita adhæseras,
ut etiam moriens suo Te admoveret cordi.
Magna Felicitatis portio, à Tanto diligi Patre,
sed diligi debueras, qui tuas egregias dotes,
virtutem, scientiam, pietatem & sinceritatem erga se spectavit.

Quare qui Tanto addictus fueras Mecænati,
Clientali affectu, etiam post fata, ab ipso
non disjungaris.

Concham vitæ mortalis deferit
GEMMA OSLINSKIUS,
Vos gemmei ultimæ voluntatis Præstites,
ut ex affectu Vestro, nosceretur inæstimabilis.
Intaminatæ Virtutis, & pietatis vestræ,
pientissimîs suspirijs valorem & pretiû illi addite.

Vt pretiosa Mors sit Illius,
in conspectu ALTISSIMI.
Illius erit, *ut rigû in Vos depluant Superi aurô,*
Gemmeosq; diu efficiant successus,
Supremum exorare Numen.

Cui modò cuncti non desinant precari,
eundemq; precibus comitari.

MARTINVM
JESU BONE!

Beatæ Æternitatis,
junge Coronæ,
ut in gremio Sanctorum,
æterno splendeat lumine

GEMMA.



Permissu Magnifici Domini
RECTORIS.

Biblioteka Jagiellońska



stdr0026844

